

NAMIBIA SENIOR SECONDARY CERTIFICATE

FIRST LANGUAGE OSHIKWANYAMA ORDINARY LEVEL 4105/1

PAPER 1 Reading and Directed Writing

2 hours 30 minutes

Marks 70

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KOVAHONGWA

- Nyola omanyamukulo oye mEmbo lOmanyamukulo olo wa pewa.
- Nyola Onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula omapulo **aeshe**.
- Kotokela esipelo loitya, elongifonawa loileshifo netungo lomatumbulo.
- Omwaalu waitwa owa yandjwa moikondekifombine [] konima yepulo keshe ile yoshitukulwa shepulo.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

OSHITUKULWA SHA-A

Lesha nawa okaleshwa taka shikula, ndele to nyamukula omapulo taa ka pulwa.

Okaleshwa 1

Umwe womovaxwaxwameki nomukufimbinga momaudano Omusouth Afrika

Oshipewa oshidalelwamo, Natalie du Toit manga a li munini lela, okwa kala alushe e na ondjodi ngeno a ninge omukufimbinga moudano wo-Olimpia. Eyambukepo laye momaudano okuyowa ola tameka momudo 1998, eshi a li a kalela po South Africa momaudano o-Commonwealth mepupi leedula omulongo nanhee.

Konima yeedula nhatu, ondjodi yaNatalie yokukufa ombinga momaudano o-Commonwealth oya kala ya fa ya iwa moshipala, eshi okuulu kwaye kwa tetelwa mongolo konima yoshiponga. Ashike oshiponga, osha ninga ko ashike kanini okufudika eendjodi daye. Natalie nonande a kala a nangala mombete youyahame, omuyowi omunamido omulongo naheyali, okwa anya okuxulifa po ondjodi yaye.

“Ovadali vange nookaume vamwepo ova kala hava lombwele nge kutya onda kala handi linanene pombada koitenda yeembete odo, handi ti ondi na okukala handi lideula, shaashi omalolelo ange o-Olympic oku li popepi,” ta dimbulukwa.

Nomukumo nomatokolo, Du Toit okwa anya oulema waye u mu imbe a hange omalalakano aye. “Ohandi dimbulukwa nawa natango okuyowa, ashike oshinima nee shidjuu okulongifa omikalo da yooloka dokuyowa nokuulu kumwe,” Natalie ta dimbulukwa. “Onda ya mo vali ndele handi tameke mobaana nounona vanini nohandi dimbulukwa nawa eshi nda li ndi munini handi denge mo ounona ava vakula. Paife onda kula handi dengwa mo kounona vanini nomolwaashi onda li nda hala nokuhalelela ndi ninge omuyowi dingi nosho nda ninga.” Konima eshi a ninga eemwedi dihapu te lideula okwa tameka vali nokukufa ombinga momafiyafano. Okwa mana efiyafano laye, ndele te uya omutimulongo nomutihamano womomilongo mbali navane mokuyowa oshinano sheemeta 10 000 nokwa alukila koSouth Afrika, a udila nai oidjemo yaye.

Okwa twikila ndele ta mono vali omhito yokukufa ombinga momaudano a xuuninwa okuyowa oshinano sheemeta omafele ahetatu womudo 2002. Eshi osho sha li sha didilikwa oshikando shotete omunaulema a mona omhito yokukufa ombinga momaudano okuyowa o-Commonwealth aava vehe na oulema. Kexulilo lomaudano, okwa ninga omudani wotete okupewa epapa laDavid Dixon lomukufimbinga dingi momaudano.

Momudo 2004, konima ashike yomido nhatu eshi a dja moshiponga, okwa findana eembadi nhano doshingoli momaudano ovanalema muGreece. Osho a ka hanga elalakano laye konima momudo 2008 moBeijing, eshi a ninga ondjokonona mokuninga omukainhu wotete omunaulema ta mono omhito yokukufa ombinga moudano wo-Olimpia wokuyowa waava vehe na oulema. “Osha li ashike sha fa exulilo lounyuni,” ta weda ko.

Omafindano aye e likalekelwa okwa ninga Natalie du Toit a ninge omuxwaxwameki wavahapu moSouth Africa nokondje. Umwe womwaava va didilika tete oshipewa shaye omukokolipresidente waSouth Africa, Nelson Mandela, omanga nakumushikula omupresidente Thabo Mbeki, okwe mu fimanekela okukala omuxwaxwameki woshiwana. Omuyowi woshinano shile okwa pelwe yo epapa lefimano laLaureus, eshi a teya po engabeko pokati kovanaulema naava vehe na oulema momaudano.

Pefimbo Du Toit kwa li te lilongekidile oku ka kufa ombinga momaudano okoLondon momudo 2012, okwa shivifa kutya eshi otashi ka kala oshikando shaye shaxuuninwa okukufa ombinga momaudano opaiwana. Natalie nande a diladila okufiya po omafiyafano opaiwana, okwa li e na oupenda wokutwikila nomaudano. Okwa shoneka vali okumona omhito yokukufa ombinga momaudano o-Olimpia nokwa hala a ka findane po omaudano aeshe aheyali ovanaulema, moudano a dje mo e lifiya mo.

Natalie ngeenge ite lideula, oha tyapula okulongifa efimbo laye meepoloyeka dehongo, ha kufa ombinga meenghendabala da shonekelwa okuninipika omwaalu woiponga yefyo momeva moitukulwa yaava va dengelwa keholo, moSouth Africa.

“Onda didilika kutya osha fimana okutukulilafana eshiivo nonda hala okutwikila oku shi ninga monghalamwenyo yange aishe onda hala okumona ounona tava hongwa okuyowa kovanawino mokuyowa.” Du Toit ta ti. Osha fimana okuyandja oshipewa osho u na kovanhu, ve shi longife meenghalamwenyo davo defiku keshe.

Osha eta Natalie du Toit a ninge Omusouth Africa dingi momaudano ovanaulema wefimbo alishe nokwa ninga yo omufimaninhu mondjokonona yomaudano.

“Okumona omhito yokukufa ombinga momaudano o-Olimpia olo limwe lomomafimbo oo hae ku lilifa ashike, shaashi owa fa ashike to londo ondudu Everest, ondudu oyo ile-ile mounyuni.” Du Toit ta ti.

(Cook M.J)

1 Mokunyamukula epulo 1 (a) fiyo 1 (c), owa pumbwa ashike okushanga ondada A, B, C ile D, oyo i li penyamukulo lomondjila. Ngaashi: (a) A.

(a) Osha li sha fa tashi monika kutya ondjodi yaNatalie itai ka twa molwaashi ...

- A ina mona eyambidido lovakwapata.
- B ina mona omadeulo olutu a wana.
- C okwa li a kula okukufa ombinga momaudano.
- D okwa mona oshiponga shinyanyalifa. [1]

(b) Omolwashike omudo 2008 wa li wa fimana kuNatalie?

- A Okwa li a findana eembadi nhano momaudano opaiwana.
- B Okwa li a mona omhito a kufe ombinga momaudano o-Commonwealth.
- C Okwa li a mona omhito okukufa ombinga momaudano o-Olimpia ovanhu ava vehe na oulema.
- D Okwa li a ya fiyo okonghatu yaxuuninwa momaudano ovanaulema. [1]

(c) Eenghendabala daNatalie dokuhanganifa omaudano oda didilikwa pambelewa eshi ...

- A a pewa epapa pambelewa.
- B a pewa oilonga mepangelo.
- C a pewa oshinakuwanifwa a wilike opoloyeka yopashiwana.
- D a shivwa a talele po omupresidente. [1]

(d) Okokutya ngahelipi “a dje mo e lifiya mo” ngaashi sha longifwa mokaleshwa? Yandja oitwa ivali. [2]

- (e) Omolwashike Natalie ta yelakanifa okumona omhito yokukufa ombinga momaudano o-Olimpia nokulonda ondudu Everest? [1]
- (f) Tofa mo nokufatulula oitumbula **ivali** ya longifwa komunyoli a denge omufindo, komukumo nomatokolo aNatalie mokuhanga omafindano. [4]
- [10]**
- 2 Ou na kaume/kahewa koye oo a li he shi endifa nawa moudano wonhumba, ashike molwonghalo yonhumba, ota diladila okuefa po oudano. Mu nyolela ombilive u mu twe omukumo, opo a twikile noshipewa shaye. Longifa omadiladilo noitwa tai di mehokololo laNatalie du Toit. **[10]**
- Oitya nai kale **200 – 250**. **[20]**

OSHITUKULWA SHA-B

Lesha nawa okaleshwa taka shikula, ndele to nyamukula omapulo taa ka pulwa.

Okaleshwa 2

Moshitila mwa dja oxupa

Wilma Rudolph (1940-1994) okwa li a talika ko omutondoki wonhapo kamana mounyuni lwopomido 1960, ye, oye omukainhu wotete Omwaamerika a findana nokuyangata po eembadi nhatu doshingi mokutondoka momaudano amwe o-Olimpia. Omudo 1960 oo wa li omudo wotetete omaudano o-Olimpia a ulikwa ko-TV, sho osho sha kwafela Wilma a shiivike ongomudani dingi wopaiwana. Momudo 1960, omaudano okwa li a ningilwa koRoma naWilma okwa li a shiivika ashike kutya, "Emanya Londilo."

Wilma okwa pupulwa kombuda, eshi a yambula po omaudano mahapu okutondoka ovakainhu moAmerika. Okwa pandululilwa yo ekufombinga moinyangadalwa yopapolitika nokwa talwa omukokoli moipambeke yomaufemba ovakwashiwana, unene ovakainhu.

Wilma okwa pita momashongo itaa nuwa omeva pefimbo lounona waye. Okwa tya tuu ye okwa dalwa okapelema, ye okwa kala omunghundi. Onghalo youkwamuhoko pefimbo, oya fininika Wilma vo naina Blanche, va kale hava tewaatewa moipangelo yopopepi navo.

Ovakwadimo vaWilma, ova li va hepa neenghono, nomolwaasho okwa li hava dulu ashike okufuta ondokotola yomulaule imwe aike, ashike kava li ve na oshimaliwa shokufuta eembete. Onghalo ya tya ngaha, oya eta opo Wilma a filwe oshisho shounamiti kuina nokovakwanedimo keumbo.

Manga a li okaana, Wilma okwa kala nokukwatwa nokuhepekwa komikifi dihapu, ngaashi, okakwenyene, okakombo, oshidu, epulu nopneumoni. Eshi ashike e na omido ine, okwa kwatwa koudu wombada hau tandavelifwa kombuto yoPolio. Wilma nonande a ka veluka koudu ou, okwa kala ha djala oitenda yokuyambidida okuulu nomhadi yokolumosho ei ya lemana a dule okweenda.

"Ndokotola wange okwa lombwelele nge kutya itandi ka enda vali, ashike Meme okwa tile kutya ohandi ka enda. Onda itavela eendjovo daMeme."

Wilma okwa li e na ovakwanedimo ve na ohole nefilosho. Ina okwa li he mu twala koshipangelo shi li eekilometa 50 okudja peumbo, luvali moshivike, omido mbali, fiyo iha ende vali nekwafelo loitenda. Eendokotola oda longa Blanche omadeulo olutu, a kale ha kwafele okudeula okamona keumbo.

Wilma eshi a wanifa omido omulongo nambali, a ninga okapaka, okwa ninga eenghono noha dulu okweenda ehe na ekwafelo loitenda yoku mu yambidida. Okwa tokola okutula ouyehame waye kombuda, ndele ta hovele okutula moilonga ondjodi yaye yokukufa ombinga momaudano.

Okwa tokola okukufa ombinga moSpana yEtanga lOmokambaba yOfikola nokwa konekiwa elitulemo laye momaudano komudeuli wovatondoki nomaudano amwe mofikola.

Momudo 1956, eshi e na omido 16, konima naanaa yomido nhee, eshi ombada ya veluka filufilu, Wilma okwe li likolela onhele mospana yAmerika yOmaudano o-Olimpia, omo a findana diva ombadi yoshikushu.

Momaudano o-Olimpia, omomudo 1960, Wilma a ninga vali enyakwa dingi lopaiwana nokwa talwa omukainhu omutondoki dingi pandjokonona.

Konima youdano waye u nyakula, Wilma okwa alukila keumbo kuTennessee, oko a hanga ngoloneya a longekida oitendele yoku mu hambelela. Wilma okwa anya okadaada oitendele oyo, molwaasho otai kala youkwamuhoko. Eshi e shi anya, oshidano noitendele yaye, oyo yotete ya ningilwa modoolopa yavo yaClarkville, ya ningwa ya nuninwa omihoko da hangana. Konima okwa kufa vali ombinga momahololomadiladilo taa kondjifa eeveta doukakombo noludi, fiyo da kufwa po.

Wilma okwa xulifa po omafiyafano okutondoka momudo 1962. Konima eshi a mona oimaliwa yokulilongifa, okwa ka fikola kOshiputudilo shOpombada kostata yaTennessee, omo a dja nodjapo yopombada mehongo. Okwa ka longa ofikola nokwa kala yo omudeuli wovatondoki.

“Omadiladilo ehafo okwa shambula omutima wange molwefindano olo nde likola, eembadi nhatu doshingoli. Ondi shi shi kapu na ou te di kufa nge, nande.”

“Otashi kala efimano kwaame ngeenge handi longo novanyanyamaulu. Onda itavela mokuholola nokudeula ovawiliki va dja momihoko daava tava fininikilwa kongudi. Onda itavela kutya okulonga novanyasha, osho oukwatya wange wa fimana. Osha kala ondjodi yange okutota eeprograma, handi longifa omaudano, ndi udife ko ovanyanyamaulu ouwa wo-atletika okupitila mehongo.”

Efimano laWilma ola etifa ounyuni u xwaxwameke ovakainhu va kufe ombinga momaudano o-Olimpia, unene tuu mokutondoka nomoyetwapo yomaudano amwe e lili naku lili. Okwa twa omukumo ovakainhu vahapu, unene ava va dja momidingonoko daava va fininikilwa kongudi, ngaashi Florence Riffith Joyner, oo a kala a taalelwa komashongo mahapu mokuhanga ondjodi yaye.

Konima yefyo laye momudo 1994, vahapu ova kendabala okufimaneka ekalepo laye, monena oshikefa shomaudano wovakainhu shedina “Wilma Rudolph Courage Award” ohashi yandje omapapa kwaava va ulika omukumo mokufinda omashongo e va taalela. Oshihongwafano shoshikushu shaWilma shiwashiwa, osha fikama pokati kodolopa yavo yaCharkville.

“Ino dina eenghono deendjodi, molwaasho eendjodi ohadi tu. Atushe otwa faafana paunhu ou. Ovanhu aveshe, Pamba okwe va tukulila shi fike pamwe.”

(Wikipedia)

- 3 Nyola omafaafano omashongo nomafindano aNatalie du Toit naWilma Rudolph, a holoka mouleshwa ava vavali.
- 4 Ngeno owa li nee oove Wilma Rudolph, shanga omushangwafiku woye, u didilike omaliudo oye to nyola oiningwanima ho i dimbulukwa monghalamwenyo yoye.

Shi ninga noitya **200 – 250**.

[20]

BLANK PAGE

BLANK PAGE

